



Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Quâ modestiâ Magistri sui cubiculum accesserit.

[urn:nbn:de:hbz:466:1-46083](#)

obsecro, adesto mihi hallucinanti. Da mihi, Domine, sedium tuarum assistricem Sapientiam, ut mecum sit, & mecum laboret: aperi mihi huius rei intelligentiam. Asserebatque, se multum hac prece lucis impetrare. Tempus studijs assignatum, vniuersum studijs impendebat, nisi forte contentionem remittere cogeret capitis dolor, quem aut sacri alicuius libelli, aut Rosarij recitatione mitigabat.

Quantumuis in studia esset procluis, promptissime tamen ea absque omni etiam repugnatione interrumpebat, quocumque alio negotio sibi à Superioribus dato, seu Sacris ministrandi, seu alios foras comitandi. Præceptorem suum honore longè maximo obseruabat. neq; triennij tempore rem ullam (quæ meritò ei displicere posset) aut facto aut verbo admisit: apud omnes numquam nisi honorificentissime de eo locutus. Quoties ad Magistri cubiculum ibat, dubiorum proponendorum caussâ, si intrò adeste aliquem percepisset, foris ipse exspectabat; aliquaque egresso, ingrediebatur oculis demissis, nec in eum intuens: quod iam nosset scilicet quem alloquebatur; habitoque honore, aperito manebat capite, dum iussus operire, teget quidem, sed nouâ quaque propositâ quæstione, denuò nudaret, tegeretque (vt si bene moratus filius adstaret patri) quod inter loquen-

loquendum quoque cum Superioribus tenebat. Tum dubitationes Magistro proponebat, Latino semper sermone: ac si primâ statim explicatione responzionem non caperet, post exiguum cogitationis moram, modesto cum risu, aperte simpliciterque respondebat, *Verè, Pater, non intellexi.* at quando assequebatur quidem, sed tamen propositæ abs se quæstioni iudicabat non esse penitus allatam lucem, ne contendendi studio videretur Magistri sententiam oppugnare velle, ad eum modum respondebat, ac si suæ vitio tenuitatis tenebras nondum penetrasset, quibus discussis, mox reddito inclinati capit is honore, discedebat. Si quando autem vnâ cum alijs collegis in Professoris fuisset cubiculum per causam aliquam aduocatus, quamprimum opportunè poterat, religiosâ se libertate recipiebat, abibatque gratiâ tantâ, ut remanentium nemo offenderetur. Priùs aliquantò egredi cubiculo consuérat, quām scholæ signo manè vesperiisque vocaretur, ibatque ad Templum, salutaturus, ut dicetur, augustissimum Eucharistiæ Sacramentum: sed signo auditō, erigens se, subitō ad portam festinabat, ibique ceterorum expectans conuentum, legendo libello suo id temporis occupabat. Ad scholam ibat redibatque seuerè sibi indicto silentio. In scholâ scriptiō sic atten-